

Na osnovu člana 56. Zakona o organizaciji organa uprave Federacije Bosne i Hercegovine ("Službene novine Federacije BiH", broj 35/05) i Odluke Vlade Federacije BiH o usvajanju programa utroška sredstava – Poboljšavanje društveno-ekonomskog statusa pripadnika boračke populacije i očuvanje tekovina odbrambeno-oslobodilačkog rata „Tekući transferi neprofitnim organizacijama - Transfer za sufinansiranje izgradnje spomen obilježja, uređenje mezarja i grobalja", utvrđenog Budžetom Federacije Bosne i Hercegovine za 2026. godinu („Službene novine Federacije BiH“ broj: 28/26), Federalnom ministarstvu za pitanja boraca i invalida odbrambeno-oslobodilačkog rata/Federalnom ministarstvu za pitanja branitelja i invalida domovinskog rata, objavljuje:

JAVNI POZIV

za podnošenje prijave po Programu utroška sredstava – Poboljšavanje društveno-ekonomskog statusa pripadnika boračke populacije i očuvanje tekovina odbrambeno-oslobodilačkog rata „Tekući transferi neprofitnim organizacijama-Transfer za sufinansiranje izgradnje spomen obilježja, uređenja mezarja i grobalja“ utvrđenog Budžetom Federacije BiH za 2026. godinu

I.

Predmet Javnog poziva je sufinansiranje izgradnje spomen obilježja, uređenja mezarja i groblja u 2026. godini u ukupnom iznosu od 1.500.000,00 KM (slovima: milionipetstotinhiljada i 00/100 KM).

II.

Zahtjev za sufinansiranje programa/projekta mogu podnijeti samo pravna lica i to: udruženja koja okupljaju boračku populaciju, institucije i vjerske zajednice sa razrađenim programima usmjerenim na realizaciju ciljeva proizišlih iz namjene ovih sredstava.

III.

Pravo učešća po ovom Javnom pozivu nemaju podnosioci zahtjeva iz tačke II. ovog Javnog poziva kojima su u prethodnoj budžetskoj godini odobrena sredstva za iste namjene, a nisu dostavili izvještaj o utrošku sredstava.

IV.

Raspodjela novčanih sredstava iz tačke I. ovog Javnog poziva vršit će se u skladu sa općim kriterijima. Opći kriteriji za odobrenje sredstava za sufinansiranje programa/projekata za izgradnju spomen obilježja, uređenja mezarja i grobalja su:

- historijski značaj projekta za širu društvenu zajednicu općinsku, kantonalnu, federalnog, državnog kao i regionalnog nivoa;
- originalnost projekta u smislu predstavljanja nivoa organizovanosti Oružanih snaga RBiH;
- vrijednost projekta;
- visina učešća sopstvenih sredstava i sredstava drugih finansijera za aplicirani projekat
- građevinski značaj u smislu izgradnje, dogradnje, rekonstrukcije ili održavanja spomen obilježja.

V.

Zahtjev je potrebno obrazložiti u smislu razloga podrške programa/projekta (opštem, društvenom, finansijskom i sl.).

Obavijest o Javnom pozivu će biti objavljena u dnevnim novinama, a integralni tekst Javnog poziva na službenoj web stranici ministarstva: www.fmbi.gov.ba.

Zahtjev za dodjelu sredstava će biti objavljen na web stranici Ministarstva (www.fmbi.gov.ba).

Sredstva će se dodjeljivati na osnovu Javnog poziva, jednokratno.

Javni poziv traje **15 dana** od dana objavljivanja u dnevnim novinama i na web stranici Ministarstva.

VI.

Prijave po Javnom pozivu za odabir programa/projekta za sufinansiranje izgradnje spomen obilježja, uređenja mezarja i grobalja u 2026. godini, podnose se Federalnom ministarstvu za pitanja boraca i invalida odbrambeno-oslobodilačkog rata/Federalnom ministarstvu za pitanja branitelja i invalida domovinskog rata, putem pošte ili lično u zatvorenim kovertama, na adresu:

Federalno ministarstvo za pitanja boraca i invalida odbrambeno-oslobodilačkog rata/Federalno ministarstvo za pitanja branitelja i invalida domovinskog rata, ulica Hamdije Čemerlića br. 2., 71 000 Sarajevo

sa naznakom:

„Javni poziv za podnošenje prijave po Programu utroška sredstava – Poboljšavanje društveno-ekonomskog statusa pripadnika boračke populacije i očuvanje tekovina odbrambeno-oslobodilačkog rata „Tekući transferi neprofitnim organizacijama-Transfer za sufinansiranje izgradnje spomen obilježja, uređenja mezarja i grobalja“ utvrđenog Budžetom Federacije BiH za 2026. godinu“.

VII.

Aplikacioni formular će biti objavljen na web stranici Ministarstva (www.fmbi.gov.ba), a isti će se moći preuzeti i u prostorijama Pisarnice Ministarstva.

Nepotpune i neblagovremene prijave se neće uzimati u razmatranje.

Federalno ministarstvo nema obavezu vraćati predatu dokumentaciju aplikantima.

VIII.

Uz zahtjev je potrebno dostaviti sljedeću dokumentaciju:

1. Adekvatno popunjen i ovjeren aplikacioni formular;
2. Rješenje o registraciji (ovjerena kopija);
3. Uvjerenje o poreznoj registraciji (identifikacionom broju);
4. Kopija ugovora ili potvrda banke o otvorenom transakcijskom/tekućem računu;
5. Detaljan opis programa/projekta za koji se traži sufinansiranje;
6. Finansijski plan programa/projekta za 2026. godinu, sa očekivanim prihodima i rashodima, kao i podatkom o vrijednosti projekta, visini učešća vlastitih sredstava ili sredstava drugih finansijera;
7. Rješenje o odobrenju gradnje (građevinska dozvola) ili Izjava podnosioca zahtjeva da je pokrenut postupak za izgradnju objekta;
8. Dinamika i rok završetka programa/projekta;
9. Potvrdu/uvjerenje od vjerske ustanove kao dokaz da se program/projekat odnosi na sufinansiranje uređenja mezarja i grobalja;

Broj: 01-37/2-1093/26
Sarajevo, 21.04.2026. godine

MINISTAR
Nedžad Lokmić

